

樹經堂詩初集

浙東小草

南康謝啟昆蘇潭

富陽

午潮穩送過江艫  
百里桐川畫不如  
紅樹日斜漁唱起  
舟人指點子陵廬

桐廬舟次口占四絕是日為余六十開一生辰

兼柬沈磐谷

桂花風起夜來多  
蕭灑桐廬足詠歌  
范文正有蕭灑桐廬郡十詠  
賓

客稀臨鷗鳥集無人知是使君過

舒灘過盡又洋灘似我鮎魚上竹竿舟小路紆行自得飽看嵐色常朝餐

晚年哀緒不堪論伯觸絲桐憶彩雲貽我延齡丹五色定須訪道問桐君

桐廬以桐君山得名

一周花甲從頭數此後光陰立脚難晚節吟詩同沈約西風人瘦菊叢寒

附和作

沈德鴻 磬谷

白塔朱樓映水多

楊誠齋舟過桐廬詩朱樓隔綠柳白塔映青山富春江畔

聽輿歌蕭閒甲子重逢日不許躋堂載酒過

行部扁舟七里灘不驚漁父釣魚竿遙看繡嶺丹霞  
燦可是桐君勸晚餐

遠霧晴開放夕鴈輕帆飽趁一溪雲易于未肯勞腰  
笏天遣長風送使君

一狂奴故態久相安大度包容良獨難宵起推篷珠斗  
滿高峰一點客星寒

桐廬晚泊

薄暖猶秋仲清江納晚晴林端紅葉少竹外粉牆明過  
客減廚傳好山兼送迎一鉤新月上恰傍釣臺行

七里瀧二首

有風行七里諺語不其然危坐雨飛艇亂峰雲接天山  
花柁樓上水鶴箬篷邊蟠屈白龍尾珠光抱我眠  
吾宗弔臯羽慷慨哭西臺晞髮蛟門壯狂歌鳥喙哀垂  
綸片石在許劍舊亭頽南宋尋遺蹟蕭蕭風雨來

釣臺二首

赤伏方中興曷不助爲理共臥足加帝貧交狂若此曠  
漢重名節風自先生始蚩蚩漁隱流妄意羊裘子  
我昔計偕行同舟王與李漢月照客星高咏渺煙水

人不可作江山復如此

余已卯入都與王文儀楷李丈鏡亭同過此有江邊漢月照亭

上客星孤之句同人歎賞今詩稿無存而二丈亦去世矣

恒河照鬢絲桐水清無滓

謁嚴先生祠堂

畫像雲臺寂清祠未就荒桐溪一勺水曾此薦蒸嘗萬

古龍蛇螫雙亭日月光幾家嚴姓在耕鑿倚山莊

泊建德東張萃升太守

灘聲入夢長十里趁風檣早霧藏山色秋雲漏日光清

貧憐老守艱瘠賴循良亦有西湖水高低試品嘗

建德城西

南有西湖廣袤四百四十餘丈中有寶華洲宋范純仁有四景詩

蘭溪早發二首

路入清溪往復迴  
蘭橈停處澱紋開  
香風初起肩輿發  
攬取金華秋色來

豉香酒美舊知名  
赤黍黃粱又晚秔  
風景如斯殊不惡  
市聲擾攘雜絃聲

金華二首

洞天卅六驗圖經  
擁出芙蓉朵朵青  
到處石羊俱可叱  
不知何者是仙靈

銜土成墳紀烏鳥  
隱居築室覓龍邱  
抗衡西浙一支秀

占斷東陽潛岳秋

嶺下珠早行至菱道晨飯二首

侵星三十里，曲塢野人家。似雪一村白，月明蕎麥花。小盆滋桂藥，新碗淪蘭芽。驚問僮人早，開門掃斷霞。

豆莢濃如染，松陰綠似雲。不知秋瑟縮，但覺黛網縕。雞

犬家無警，芝蘭氣又薰。筍羹容飽飯，熟水薦殷勤。武義令饋

筍羹縣南有熟溪有水則歲大熟

永康

三峰繚繞白雲連，地割烏傷小邑偏。文憲有詩清可和



玉堂無夢到金蓮

宋濂永康靈巖詩玉堂無復金蓮夢暫借僧窗半日眠

縉雲二首

黃帝何曾駐縉雲鼎湖丹氣結氤氳忘歸臺上登臨客

欲訪桃源路不分

縣有忘歸臺小桃源

有人吏隱結幽棲玳瑁嘉魚薦石溪風動西巖桂香發

一聲鐘磬夕陽低

吏隱山為李陽水故址惡溪有玳瑁魚西巖有桂竝見竹垞詩

沿途多老民出迎縉雲尤盛詢之皆荷

恩賞者志喜二首

黃衣鳩杖鬢如銀都是蒙

思耄耄人梨面回春腰脚健朱提分得篆文新  
仙都定有地行仙益壽泉多試溯源劇愛括蒼山色好  
結廬擬傍老人村

桃花隘

昨陟黃龍岡今登桃花隘竹筥東渡來荆坑要津會衆  
綠未隕霜虛白但凝漑四面垂蔚藍一綫響澎湃下橫  
復上嶺深瀨閒淺瀨吐納秋日光超越絳霄外俯視潛  
虬姿高出飛鳥背誰云玉宇寬頓覺彩雲礙峰峰蹲虎  
豹磴磴闢榛蒼遠色蒼山來天風振杉檜凜凜毛髮豎

嵐氣濕衣佩十步一休息百夫半疲憊一卒當關守萬  
蹄蹴鐵壤徑轉路愈仄前挽後仍退台葵司鎖鑰閩越  
控疆界北來攬彤勝東甌此險最當年笑蟻屯

天兵殲鼠輩時平柝罷警山靜犬無吠聚米圖山形憑  
軒發長慨慎勿煩五丁畱此鞏四塞

桃花洞邀沈警谷同賦

萬山堆畫障方丈忽然開竹翠侵眉冷松風刮而來桃  
花無主洞桂影落虛臺洞浦今宵月偕君泛綠醅

德鴻

峻嶺插青漢桃花古洞開千峰連萼拱一逕旋螺來

守隘得天險凌虛躋石臺蒼茫感今古拚醉覆新醅

中秋日邀磐谷登萬象山看月山有秦淮海祠

王耘山太守韓景巖總戎在坐

一千里外作中秋佳節銜杯共隱侯萬象歸時山色淨

五雲多處月華流

縉雲山有五雲

尋幽蠟屐懷康樂對客揮

毫憶少游幾百年來無此會蒼茫海蜃已全收

香發孤亭

山有蓮城一覽亭

桂有陰輪軒多暇此登臨南傳露

布秋風捷

問楚北粵西賊氛蕩平

北望雲階斗氣森老將據鞍思

敵愾蒼生擊壤最關心頗聞十部歌豐稔勝和霓裳法

曲吟

德鴻

萬峰明淨括蒼秋古樺蕭森問鄴侯

山有李鄴侯種樺

高躅

雲歸仙吏隱澄懷月印浣溪流山留祖澤開奇境

括蒼

山俱係謝靈運開闢

天助名臣作勝游最是憑高覘樂利蓮城

萬象一齊收

越江兩載護棠陰又喜旬宣使節臨宵柝不驚膏露

渥輜軒無擾衆星森登臨豈為尋幽計觴詠猶餘報

國心此去山靈都乞句飽觀還許候蟲吟

空心菜

有菜出括蒼連雲名山滋滑澤中如竹萌虛外似蕁根碧  
想生處士廬曾餉采薇客我本藜藿腸年來厭肉食  
芼之用鹽醯飽餐謝魚炙茲地多靈芝今歲富新麥此物  
佐官廚每飯不能釋香美雪昏滯疏通透肝膈稚子癡  
可療老夫智堪益家園有薤音襄菜形味頗不隔風物懷  
章門雅鋤露華白

石門洞瀑布歌用禁體

峭石臨江插天碧石上懸流幾千尺昔聞奇境今見之  
寒氣噴人駭心魄太守窮幽開此瀑日月濛濛浸空綠

堂屬我家作客來

山有謝  
客堂

二千年後繼芳躅是日西風

雨淋浪雨聲瀑聲兩茫茫似爲游人觀不足添作驚濤  
濺石梁細看是雨非瀑布漫天彌地渺何處細看是瀑  
不是雨界破蒼崖萬萬古白雲爲戶峰爲門了無門洞  
是仙府伯溫昔此吟抱膝臥聽鳴泉啟書室帝師竟爲  
蒼生出如瀑離山無歸日先生胡不早歸來鐵券丹青  
安在哉長令萬壑飛湍哀

過青田

萬峰如笏錦屏

門名

開百道泉聲繞郭迴元鶴不歸秋雨

暮芝田好在白雲隈

早泊江心寺

夜潮初退一舟輕帆落江城月尚明惟恐游人憂寺遠  
曉風隔岸報鐘聲

登江心寺謁文信國祠二首

翠螺兩點合何年雙塔東西日月懸海國風煙收萬里  
天涯水氣匯中川開堂說偈尋清了過客題詩慕浩然



縱我明眸秋宇闊擊殘如意石關邊

丞相勤王問水濱危如一髮繫千鈞趙家半壁憑孤嶼  
滄海橫流賴此身馬角還鄉辜夙願龍髯攀帝泣羈臣  
登堂讀記瞻遺像雨洗莓苔萬古春

德鴻

右相經臨五百年忠魂猶擬斗山懸兩開正氣撈孤  
嶼一旅勤王歎逝川精衛有心填渤海羝羊無事乞  
燕然中興碑碣憑誰度展拜遺容墨尚鮮

閒關闔越走江濱半壁艱危繫萬鈞家國已無乾淨

土陸張同剩未亡身久拚碧血酬先帝  
曾戴黃冠作放臣  
琴研飄零生氣在海天  
俎豆肅千春

永嘉

到處題名劇碧巖  
家風賢守六朝山  
年來無復西堂夢

池草經霜兩鬢斑

舍弟砥山去世已三年矣

劉程圃監司飲我于且園口占二首

房櫳積翠水灣環  
畱得枯荷葉未刪  
且住爲佳衙  
放後時來拄笏看秋山

政事堂高不日成  
未勞民力有深情  
去年此日難忘處

風雨飄搖萬戶聲

去秋風災壞廳  
事今甫落成

瑞安道中

鵝黃鴨綠稻分畦  
碧玉山光晷畫溪  
頗似吳兒風景樂  
橈聲搖過下塘低

飛雲渡

問渡羅陽趁早暉  
乘槎有客駐驂騑  
海天一色秋陰薄  
化作空青濕不飛

過平陽

南雁蕩先北雁蕩  
小龍湫似大龍湫  
觀風我向橫陽去

石室高寒不可留

樂清懷王龜齡

紫簫臺下塔峰西  
臚唱雲傳五色低  
上策千言文萬首

不欺暗室屬梅溪

龜齡性孝友顏  
書室曰不欺

管頭渡

即橫春江渡

已渡飛雲又管頭  
橫春江合喚橫秋  
京江八槩當年慣

此日風濤動客愁

樂清道中夜行

奇鬼森然欲搏人  
一山劈立石嶙峋  
黑雲對面吹成雨

列炬如星照不眞

寄興

聯嶼拱宮堯凌高倚沈寥薜浮煙島樹雪湧海門潮  
外鴻初到雲中鶴可招應眞飛錫處指點路非遙

遊雁蕩四首

峰排百二障晴空路入芙蓉便不同佛性未離花鳥外  
仙蹤占斷越甌東舉頭天半全身現插脚雲根大海通  
老去猶誇筋力健憑虛兩腋御清風

康樂當時屐未經三湖雲氣接仙靈怕將伐石驚樵戶

不用鐫詩上客亭，絕頂雁飛風浩浩。  
懸濤龍噴雨冥冥，此行差免名山笑。  
覩面相逢眼倍青。

諾巨那居第一山，結廬曾此斫荆闕。  
西來五百開蓮座。

南戒三千鎖翠鬟，暫息塵蹤非性癖。  
不嫌紆道豈緣慳。

由芙蓉道雁蕩至大荆繞行十餘里而奇境畢現  
精藍十八雲端數，相約他年

採藥還

雨洗秋苔過馬鞍，山名翠微更上似天難。  
珠簾鳥隔千條

淨雪，洞人言六月寒。泰華蕩胸塵外夢，  
溫台落手畫中

看出籠自笑同仙鶴，直跨長虹叩石壇。

龍湫瀑布歌仍用禁體

四十九盤行迤邐未到五里聲刮耳剪刀峰剪天河駛

火欲燒山不能燬

剪刀火燄皆龍湫旁山

五千丈瀑蹴空起浩浩

流自太古始若教在山不出市漂浸雁山如芥子恆河

莫量源與委神龍見首不見尾出雲降雨迷尺咫隨風

蕩漾無定止匡廬石門安足擬惜哉東坡不到此但見

小閣浮煙裏巨那觀瀑得其髓嗒然坐化悟真理瀑聲

山色尙無徙茲逢秋霽日移晷垂光倒射添渺瀰我影

照壁壁易圯我詩瀉瀑瀑無已凜不可畱歸去矣觀於

此者難爲水

德鴻

天柱插天三尺柱頂有湖徑十里湖水直瀉空山  
裏一落千丈下無底洪濤高噴自龍觜白光界破秋  
嵐紫變化橫斜狀詭欲下不下因風起忽分萬道  
勢瀾瀾灑徧空潭響宮徵回旋飛沫濺遠邇清透肌  
骨寒水齒熱客乍到魂欲褫百步之內敢仰視我遊  
石門歎觀止造化乃更奇至此公詩浩瀚足鼎峙貴  
取真詮禁形似眼前妙景窮議擬再尋幽境姑舍是



龍鼻洞

石筍如林森可束天柱擎天立于獨劃然古洞兩山開  
 白龍蛻骨遺空谷草木尚帶流涎腥杖履恐被甲鱗觸  
 流傳鼻孔滴涓涓呼吸雲雷歲大熟老我猶能書細字  
 不乞甘泉洗病目相傳龍鼻水能醫眼僕夫報道蒼髯動四山風  
 起松謾謾

石佛巖 俗云和尚峰

清淨為身舌廣長已先羅漢出西方參來八萬四千偈  
 拈得芙蓉一瓣香

望玉環

木樛通地肺羣玉積元圃旋流折如環橫槎渺無路瀾  
瀾天開河隱隱楚門霧黑子浮蒼煙孤光辨雲樹衆壑  
趨尾閭片帆不知處問名憶太真遺蹤想南渡倭奴析  
木東前代煩鞫捕設險仙人關扼要

清時戍閩氛日以靖粵客紛可數防海經生策前籌借  
一箸水戰習昆明宴安深遠慮赤手釣巨鰲奮飛盼孤

鶩太平志云相傳宋高宗南渡遺玉環於此宋曾觀詩  
天寶風塵墮兩京禍從妃子笑中生玉環兩字真堪

恨好與青  
山改別名

黃巖道中遇雨

海風吹水立颯颯雨聲來暗路愁燈火沾衣憫隸臺前  
宵思雁宕去路阻天台好景真難再山雲一笑開

台州勘災紀事

嘉慶二載秋七月耿耿銀河出復沒牛女之次台階旁  
有風鼓自土囊穴初從大塊發噫氣旋翻圓嶠鬱蓬勃  
舸艦如山浸黑洋魚龍奮鬣驕白日飛廉布陳鳴喧厖  
天瓢覆雨灑倉猝排山萬馬驅潮來嘉禾盡偃木斯拔  
保抱攜持遺老稚鬼哭啾啾及枯骨豈惟茅茨捲三重

但見屋瓦飄百室牢益失利空白波竈戶無炊剩黔突  
曰臨曰黃太與寧沿海居民遭蕩析怒聲幸逢孤嶼止  
猛勢不向溫溪折是日大汛而溫州潮不到因上游泛溢勢阻也太守飛謀告  
大吏敷奏於

帝語皆實我職旬宣亟命駕星言不辭道路躡周巡回  
浦歷章安甌國風光一覽畢其人樸儉安耕漁其俗峭  
厲尚剛烈爰頒帑藏載後車分遣掾屬勤撫恤萬閒未  
暇庇廣廈一椽可補當慈筏載以舟楫資糗餌要使軀  
命得生活烏葬火瘞非常經掩骼埋胔用仁術耕不餘

三民乃咨微緩其一政有秩去秋此地亦風災秔稻尚  
未被漂汨今歲西成已失望未可拘牽泥一律方今  
聖人大澤施勿使方隅一夫失租賦屢荷蠲萬億粟帛  
況又頒耄耄太倉有積因陳陳升斗何會計屑屑海墻  
地瘠鮮蓋藏民生苦窳謀竭蹶上則下則有等差民田  
蕩田豈區別我慚膏雨歌黍苗忍令斥鹵納穗秔祇宣  
上德布仁風匪博羣黎誦生佛澤中鴻雁集無哀海上  
萑苻殲可必

將赴海門爲風所阻二首

黑雲如陣壓城寒三日顛風問渡難不犯鯨波踏鰲背  
羨門無分隔煙看

椒江渺渺衆流瀦桃渚松門縱目初萬斛詞源瀉滄海  
寫將作賦讓元虛

水碓

累石截飛濤機心學桔臯米舂雲子白水激月輪高鴉  
軋聲相亂循環柄自操回思荆布室相杵太劬勞

台州使院與沈磐谷夜話

簿書纔了剔燈青共飲無多醉復醒與子清談竟忘倦

連宵秋雨不堪聽著書豈讓山林暇論事都從患難經

四照樓院樓名頭一長嘯天台冷氣逼疏櫺

德鴻

輜軒看徧好峰青夙鴛頻驚曉夢醒飛雉連城歸實

用公勘辦城工哀鴻集野忍重聽去年溫屬風災民未復業今秋台屬

民竈被風潮尤甚公請於大吏撫卹緩徵備至功全薄海千村命書補名山

萬古經公著補經義考將刊行使院清宵話休暇吟聲和雨度

窗櫺

霽後同登四照樓

環翠中凹著此樓濕煙不散一窗收人將瘦句欺山骨  
天放晴光豁客眸挽住老夫纔七日盼歸旅雁又殘秋  
君家八詠今無恙悔欠登臨過婺州

金華有八詠樓以  
匆匆不及登爲恨

德鴻

招攜又上使星樓海甸晴空蜃氣收日照龍符明巨  
跡金鋪鼇背射雙眸全城圍繞旌旗壯兩塔高盤鶴

鶴秋遠岫喬林舊遊地追隨風景憶宣州

謂北樓

遊台州東湖尋樵夫祠二首

碧渚流杯破浪紋當年曾此醉紅裙一亭風月今邱壟



百萬樓船舊水軍舊有流杯湖心浣月諸亭皆祀宋時為船場水軍營秋老蒲葦  
戰寒雨閒來車馬踏斜曛殘碑臥草無人讀野火叢狐

叫白雲

飛來燕子啄皇圖靖難兵連十族誅漳浦六生死北闕

樂成同志有東湖沈波骨葬馮夷國抱石心憐楚大夫

一片琉璃三萬頃化成碧血灑平蕪明史燕王登極詔到漳州教授率其

徒吳性等六人即明倫堂為舊君位哭臨如禮有司執送京師皆死樂清亦有樵夫聞卓敬死號慟投於水皆

逸其名

自處州至寧海崇山峻嶺不可勝數作上下嶺

謠八首

峻嶺在我前行行忽在後  
衆峰羅兒孫一步一回首  
人與鳥爭道我行絳樹杪  
仰面烏帽落海風吹破腦  
蹭蹬須努力休容半塗息  
造化畱嶮巖縱步安可得  
輜輿誰作俑以人代畜行  
平地猶自可此行傷我情

右上嶺謠

峻坂下如崩先難而後易  
懸崖戒僕夫舉足憂失墜  
下視危如井萬丈倒垂影  
始覺來路高臨深發猛省  
山居無曠土高低築場圃  
丁架三閒屋牽蘿補秋雨

明年免租稅今年滿倉箱後年無倍納山塢臥義皇

右下嶺謠

過方忠文故里二首

讀書種子絕堪憐夢繞荆花泣杜鵑用公問只記立孫

高帝命大書篡國建文年一生正學濂閩合百世忠魂

台斗邊

聖詔易名襄勝代闡揚特為著丹鉛勝朝殉節諸臣錄賜謚忠文蓋曠

典也

天階嘆血舌寧存就死從容絕命言湘代削藩真失策

齊黃悞國豈同論侯城遺集諸生錄  
馭海冤聲正士吞  
我爲表幽修祀典青衿濟濟尚名門  
裔孫方某願請修祠余籌帑二百金  
助之

岳林寺

拈花一笑罷吾道已行南  
獨坐涅槃石誰同彌勒龕  
山光明兩兩剡水曲三三  
暫借僧窗夢蒲團試靜參

奉化早發

天末明如水不知曉氣升  
驚看一輪湧襯出遠山稜  
早絮花初熟秋衣冷不勝  
岳林鐘未斷送我過溪塍

題范氏天一閣

古鄧城西似村落月湖深處凌高閣文虹夜且牛女次

書樓寶氣上槃薄東海司馬酷嗜書異本四部煩鈔胥

堂構六閒占水象煙霞八線賦山居

澹生堂書目有堯卿煙霞小說八卷

三百年來電光掣棊竹成墟絳雲滅君家萬軸充棟梁

寶綸霞爽未堪埒

同時張尚書時微有寶綸堂屠侍郎大山有霞爽閣我

皇稗古開石渠東南

詔下求遺珠君家錄上七百種

天府未見皆琳腴就中意林更超雋了翁周易萃經訃

睿藻畱題付聚珍封還紫輝鈴玉印日月星辰光四明

四明有石室通日月星辰之光故以名山都來環照護書城甬上雲蟠龍篆

動韶南石辟蟬魚生書廚下皆置英石云可辟蠹

賜出圖書富卷什御賞圖書集成可憐無力喪錦篋環堵歌

出金石聲聚族諸生守世業閣前疊疊假山成池水盈

盈漣且清惜哉借觀我鮮暇空瞻蓬島歎崢嶸知不足

齋尚不足玲瓏山館散殘牘藏書更比讀書難那及君

家長韞積焦氏經籍志空傳採訪碑目恐未全焦氏經籍志有

天一閣書目採訪冊有天一閣碑目勸君校勘撮大要仿作晁家志一編

天一閣書目草草不詳余勸其  
奇孫某仿晁氏讀書志另編之

### 重過曹娥江

浦陽派別水經收澤浸三湖綠萬疇  
瀉汭虛傳握登降  
虞江合有孝娥投無雙妙語摸黃絹  
兩度秋風已白頭  
櫓盡筠篁青夾岸踏潮人唱木蘭舟

### 蘭亭二首

一亭脩竹倚斜曛幾度臨文倣右軍  
我到却非春暮日  
氣清天朗盼浮雲

家園修禊十年前曲水圖成悵各天  
今日臨流懷往事

一庭玉樹半成煙

余壬寅家居繪素園修禊圖弟姪子女俱在今四弟砥山大姪丹鳳三姪

綬亭女玉華相繼  
去世思之惘然

禹陵十六韻

江南會羣岳事畢此升遐心爲懷喪切身忘道路餘聖  
王無擇葬四海自成家後世陵空號

清時禮有加苗山畱庶子越水寄生涯覆釜經藏穴防  
風骨滿車禽言呼嚙喋柏樹折杈柯昨歲風爲祟崇祠  
覆可嗟梅梁秋雨漬葦柳暮雲遮凋喪龍蛇色摧殘橘  
柚花兩階思舞獸百畝尚耘鴉我輩懷明德神謨拜寵



嘉嶽碑光日月  
窆石閉煙霞  
古屋教重飾  
卑宮且黜華  
菲泉清皎徹  
駭浪靜靡邪  
太史書傳誤  
東游溯漢巴

過姚江懷王文成兼題遺像二首

指揮文吏靖風煙  
蓋世經綸達變權  
南斗一星扶北極

西江隻手障東川

公有造於我邦甚鉅

陽明洞室談經啟  
廬嶽碑

文紀績鐫撼樹虬  
蜉成底事勾餘俎  
豆且縣絲

都堂忠信感貂璫  
蜚語無端構豹房  
講學生徒懷偉略

銜枚號令定巖疆  
龍場謫處居何陋

先生謫龍場驛必築何陋居

鯨

海功成讓未遑  
宴坐九華無一事  
雲巾冠佩尚飛揚

先生

生日有雲  
中之異

重九日會稽舟次高知巖太守邀同磐谷遊章

氏園二首

解纜曹江路豈賒名園恰在水之涯三人共檝蘭同臭

一塢叢香

園塢名

菊未花欲採芙蓉千里隔恨教竹樹四

邊遮小樓不盡登臨興夕照帆明正忘家

園有小樓四面皆竹樹不

能眺遠

茱萸泛紫蟹含黃衣袖寒經海上霜不是西風吹短鬢

那知今日遇重陽人行鏡水詠觴樂雁到稽山秔稻香

稻有雁  
來紅

四照樓頭應佇望登高補作樂相羊

藩署亦有  
四照樓

重九後一日渡錢塘江口占

題糕節過好風催載得新詩滿篋回看徧浙東山水窟  
縱無公事也應來

蓬齋軒草

南康謝啟昆蘊山

浙江藩署南宋祕書省也著作郎木待問嘗書蓬齋  
額於省中今久失之乃取以名吾軒丁巳正月以後  
詩都繫於此

嘉慶二年正月十日抵浙藩之任紀

惠二首

三晉雲山觸手新西來不染太行塵地繁敢認資輕駕

天語難忘要認真

嘉慶元年十一月奉  
上諭浙江為財賦之區藩司員缺緊

要謝啟昆曾任浙江臬司署理藩篆聞伊在山西辦事頗屬認真著調補浙江布政使以資駕輕就熟欽此

膏雨黍苗今日願春風楊柳去年津曾剡一勺泉難老

晉祠泉名鬢未全斑識吏民

東風吹夢到西冷祕省重尋後樂亭越燕依巢如有約

吳山為我特開屏署面吳山司南路熟兼司北浙人呼藩為北南司臬為北

司補史人來更補經余任臬司時輯西魏書作補史亭復補朱竹垞經義考未就今將續

成似客還家欣執手同官相見眼尤青

張都轉穆菴邀同人半山看桃花卽席口占八

絕句

長山門外綠如煙引我春光上畫船一片綵霞吹不去  
桃花映水水連天

數株點綴水雲村漸見繁華照眼昏遊艇繫時紅雨亂  
不分人影與波痕

菜花匝地布黃金素李風搏白玉簪襯出胭脂明萬朵  
惱人天氣破禪心

好事州民賽願殷撒沙古廟爛如雲避人不許喧騶從  
夾岸風回笑語聞

酒龍詩虎坐周遭曼倩詼諧興更豪何似錢王張凱宴

萬山被錦擁宮袍

溪山迴抱路非遙別港花明轉畫橈更上垂虹橋上望

萬花如海湧春潮

劉郎前度寄相思怕聽當年醜面詞景物傷心人易老

落花搖颺鬢成絲

時有悼亡之感

楊柳依依漸拂堤催人歸騎夕陽低城闌一曲仙源近

問渡重來定不迷

題袁鞠村先生布衣歌卷後爲袁秀才鈞作

先生臥雪之後人儵然逢掖真天民布衣作歌傲當世

杜陵老大思致身茂才初授一儒官青氈老屋坐盤桓  
書林著述娛清暇菊圃徜徉耐歲寒平生自許希稷契  
不拜平章除檢閱化雨生前被鄧山徵書死後空遺碣  
當時意氣吞長虹豈願文繡登三公放筆大書擬西岳  
長吟抱膝憶隆中分篆龍蛇鬱奇氣二百驪珠光竹筥  
尚寶清卿重泐摹捧硯函開濕深淚卽今雲孫頎且髯  
能讀遺書孝且廉頭白歸來無外慕韋編終老亦何嫌  
我輩同是蓬蒿客幸厠金闈通顯籍拖紫紆青卅七  
年敢忘釋躋離蔬日



永平甄歌

滿署後圖得殘甄其厚二寸長倍之旁有永平字楷書陰文余與雒君定

為晉時甄

作歌記之

峨眉山下舫齋側紫藤花謝薜花碧閒披榛莽得廢甄

上有永平字可識永平紀年有三代東漢元魏兼晉惠

文異漢隸石經書境非魏轄設官地惠皇初政未凋殘

東吳此地盛衣冠天上改元思永久人間築屋報平安

切灰幾更南渡餘屏藩建自洪武初甲第誰家樓燕雀

研材倩女伴琴書

將以為研也

況有七甄相繼出瓦礫何妨

置精室花階步影憶當年寶晉名齋傳異日

新作書舫顏曰八甄

八法彷彿右軍字古蹟可入咸淳志昨日鐵鑊移中庭

得此金石稱兼備

署內有宋淳祐鐵鑊

馮氏井文泐阜亭參軍墓

禍何君銘太康咸和認欸識此甄先後登確礪典午干

年剩遺跡後樂園中珍拱壁歸裝他歲壓書船何異鬱

林一片石

司署面蛾眉山後有園亭舊名後樂仁和縣阜亭山有晉咸和八年馮氏井甄於潛縣有

咸和二年趙參軍墓甄又有何使君太康五年墓甄

### 新作廣經義考齋既成賦詩紀事

經義補吾師

覃溪先生作補經義考齋

竹垞所未備我今更廣之未

成卷帙彙小學通于道爾雅統厥類六書慎詁訓五經

正文字邇來遵漢學專門各樹幟卮言陋宋儒高論吾  
所忌說經要貫弗體用無二致佔畢求偏旁買櫝珠反  
棄匪不求甚解忘言貴得意哀輯始甲寅我初來此地  
嘉肺有餘清筆研多同契朱幡忽西行一載疎編記量  
移喜再臨故人重把臂滌水泛紅蓮衆美翩聯至朝夕  
惠討論朱墨較同異但使羅篇目不教聚訟議築室拓  
十弓脫腕鈔羣吏官書用符調匠石捐俸置翻風帶草  
碧浥雨新桐翠鑊貯宋湖波甌搗晉書媚一一助校勘  
時時披腹笥夜語當飲醇日長可破睡齋成無丹蘄客

來忘齒位昔者胡安定經義兼治事我職任旬宣理財  
思上計詎敢泥周官要各因時勢政學本相資同文天  
下治補史既有亭廣經焉可廢浙水盛人文酉山培土  
氣落成繫以詩聊附張老義

宋淳祐鐵鑊歌

我守潤州憩甘露蕭梁古鑊空團團我藩武林訪遺器  
南宋鐵鑊文斑斑其徑六尺圍丈八蓋稍殺之旁無環  
四十石水量不足桌氏煎金深以寫不鐫銘詞示樸質  
但有年號無支干穆陵鑄此供享祀太牢十具隆郊壇

議復三京預凱宴鳳凰山下朝于官闈馬丁當亂國政

六君子去人心寒堂廚食箸誰敢下鼎足已折金甌殘

此物未遭總統厄屹然重寶雷臨安至道淨慈同不朽

淨慈寺鐵鍋梁貞明二年鑄至

道官廚院鐵鍋宋崇寧開物

土花鏽滋生苔癥龍翔

潛邸逼後市行中書省通開元何年捐棄埋廢苑千夫

移置圍雕欄蓄以金鱗樂潑潑勝貯磁盎兼銅盤莊生

齊物契濠上江湖鼎鼐同一觀當時若烹不吠犬此鑊

宜置雲臺端

宋寧宗潛邸在秘書省右受禪後改為開元宮元卽祕書省建行中書省會開元宮

燬於火乃徙宮於故宋公主第而以宮址拓省治事見虞道園文集此鑊為淳祐年鑄意理宗以享開元宮者

若毛先舒葉雲集所載宋祕書省有銅缸積水生魚當別有一缸範銅爲之非此鏡也嘉慶二年三月余始移於庭旣爲作歌因附志於後

題袁春圃鴛湖茶舫圖四首

牛渚何曾弄明月鴛湖却愛聽松風一甌破睡帆初放  
醒眼看人宦海中

一遷構李兩金陵兄弟移家故事仍披卷依然歡晤語

竹爐銀舫翦秋燈

春圃自杭遷嘉興其同祖兄弟隨園香亭亦自杭移江寧卷中並有題跋

與余皆相知也

君謨手自試烹煎書畫添來米老船記否瀛洲同逐隊

柯亭茶夢午風前

法源古寺共尋花感舊西冷鬢已華無客更傾燕市酒

相逢且吃趙州茶

戊子歲與春圃邀同館諸公感忠寺看海棠刻燭賦詩忽忽三十年舊交

零落惟春圃與余在

題竹垞圖後四首

曹岳秋厓作圖上有先生百字令詞國初諸前輩和者甚

眾

指點長蘆舊釣溪鴨欄醞舫結幽棲南垞有竹教兒護

玉版籬根隔脾雞

用先生春日南垞雜詩語

春明歸夢隔紅塵和徧清辭一闕新畱得俸錢山可買

百年喬木舊詞臣

秋厓絕技寫鴛湖題字猶存退谷無

先生曾屬孫退谷題竹垞二字

牆

角未添亭子圯何人重補曝書圖

阮芸臺學使邀同人將葺曝書亭

我有蘇潭屋數閒貧簪萬个碧潺湲丹青敢擬先生樣

臥看章門一角山

余家豫章築室曰蘇潭有圖并詩紀事

錢梅溪以尖山唐開成題名搗本見示因題其

後

在今城隍山喜神殿青衣泉上其文云大唐開成年六月十八日岳道士邢金錢唐縣

令錢華記道士

諸葛鑒元書

仙童跡邈三茅觀道士名畱七寶山仿佛石經題字好



數行蒼玉泐孱顏

武肅裔孫真好事題詩直上最高峰嶽雲觸石仙鳧現  
千百年來喜再逢

題謝薌泉金焦玩月圖

蘇子家岷峨送江直入海吾宗渺洞庭壯遊興更倍焦  
山揖我去浮玉拱而待明月擁潮來笛響何瀟灑撼起  
水中龍照我冠上鷹搔首問青天驚人句猶在

吞月吸江綠昔作潤州守鈴語渡顛風鶴銘揚霜後摩  
崖競賦詩呼猿或命酒別來二十載復有此樂否風月

添新愁山川憶舊友古思因君發煙嵐入我手

汪石蘭將之崇明學官之任握別於武林口占

二絕

京口風煙邇上月廿年蹤跡兩人心錢塘不是桃花渡  
試比離情若个深

博學真如鄭廣文晚年健筆尚凌雲辛勤老鶴將雛去

寄我仙音海上聞

時攜令嗣同往

嘉慶二年閏六月十一日禱天竺得雨志喜越

五日立秋

隔江飛瀑過江樓上坐慈雲覆越州蓮座未曾移下界

楊枝已徧灑平疇一簾高樹全祛暑五日涼颺預報秋

雨旣知時晴亦好清寅端合荅

神庥

杭俗祈雨天然過三日則請大

士下山今未及期而甘霖大沛

題馮鷺庭所藏田漪亭秋槎觴詠圖兼簡星石

轉漕有車兼有船大通橋北潞河邊泛槎者誰農部田

田郎監督頭尚黑郁生圖畫工設色克齋學士補題額

題爲康熙丁巳年我生六十載之前人往境過空雲煙

不圖扁舟落吾手龍虎雜沓剛詩酒黃葉西風作重九

昔讀古歡堂集詩不見山...  
大馮君曾居此職小馮君購逢下直攜歸欲奪湖光碧  
我憶慶豐開上游黃塵障日行且休黑衛倒騎呼酒樓  
當年却笑書生計高歌那識漕儲議倒傾玉泉拚一醉  
對此風景殊不惡雅集壺觴如舊約百餘年來無此樂  
乃兄新圖有續編今之視昔後視先

清時免賦春陵篇

余生乾隆丁巳距此圖之作今百廿年矣星石官坐糧廳有潞河督運圖

同人題  
詠甚多

### 有感四首

打漿京江口于歸廿五年無根芝草附引蔓兔絲牽竝  
坐人調瑟分飛玉化煙西湖清淚湧和酒滴黃泉  
寒梅託蹇脩恆抱曉風憂弟妹憐孤另娉婷不自由熊  
羆占一索牛女誓三秋共命雙棲鳥相期到白頭  
廬嶽尋真去金臺謁選來鹿車同困頓鷓舫故沿洄腰  
瘦緣多病心清不惹埃治書然樺燭官閣夜深陪

哀樂衰年迫瓊華半路拋何曾醫癩髓豈復續鸞膠柳  
眼詩成識梨雲夢易淆六如圖自照幻影悟浮泡

近作六如

圖小照宋劉博文元素  
有柳眼詩爲亡妻之兆

題趙文敏登飛英塔詩墨刻後卽用其韻爲陳

學博無軒作

吳興晚筆飛騰入秋日憑高拂鴈過翰墨北平眞賞寄

雲煙南渡感懷多

帖爲翁覃溪師摹本

急思按部行清雪想見臨

風醉袂羅似對浮屠瞻七寶餘英點處研生波

定香亭二首爲阮芸臺學使賦

一簾虛白自生光鼻觀微參別有香鷺立影橋

亭前新橋名

雨過校書人坐水中央

蓮性時時靜與通非關花氣撲疏櫳小池縐碧茶煙散

一陣風來憶放翁

題宋荔裳遺像

錢唐戴蒼  
葭湄畫

帆經灩澦出鯨波  
厓上曾畱棧道歌  
顛躓未妨風度好  
黃州如夢月明過

輪扶安雅蔽宣城  
池北談深感舊情  
東魯文瀾迴大海  
百年遺像拜先生

荔支桃核二石歌為陳太守桂堂賦

荔支石上  
刻寶晉齋

殿中之寶七字桃核石乃阮芸  
臺閣學尊人所贈得自濟南

古華貽我囊中詩  
勸我試題篋中石  
石品按譜何離奇

側生之質長生覈從來九物聚必雙米家畫舫浮松江

定香亭上一相示

觀於芸臺  
學使院中

晴虹當晝搖書窗一鑄寶

晉齋名字一出封君濟南致形模磊砢枝葉全雪浪仇

池不足貴蜀山一騎賺紅塵東海笑擲誤仙人五行木

石同精氣植物之性通雲根我有晉甌不敢抗此石乃

出媧皇上我有鐵鑊不敢鳴此石瓊瓏鏗有聲棊几同

登研山側映出江郎花五色餐髓休逢叔夜飢博聞定

有張華識辰州老守清且貧不寶砂牀與囊銀借圖將

採石門洞

余將有浙  
東之行

我非豪奪君毋噴



題鄭勉齋先生遺像

忠宣

劉大夏

之門忠烈

孫燧

友文成

王守仁

端敏

胡世寧

相左右

文類篁墩詩白沙西涯北地誰為偶禦戎餉邊建上策  
清源教授人矜式雲孫抱櫝守殘編鶴浦英才尚遺澤  
我適宣風來四明鄮山慈水望盈盈以禮化民經課士  
還將治譜訪先生

輓畢秋帆制府二首

瀛洲麟閣竝題名事業文章得合并百二山河秦塞固  
三千雲夢楚波平生徒後閣子文宴絲竹中年太傅情

廣廈萬閒寒士淚一時灑向武昌城

又獻中原溯洛河濟泉一勺飲無多金甌佇卜王文正

銅柱還標馬伏波婁水遺書兒可付靈巖別墅客曾過

公有靈巖別墅未得一至余曾過之飾終

典盛同深感逐隊霓裳記大羅

余與公庚辰同年

### 輓阿廣庭公相二首

出領熊羆百萬師入承

廟畫贊臯夔腰金貴重三公位冠玉雍容上相儀一德

君臣交 殿陛入荒草木識旌旗耄年

寵遇全終始象笏諸孫侍赤墀

紫勒花驄禁苑過黃扉白髮冠鑿坡西垣待漏三更

早東閣迎賓一笑多免胄遠人呼郭父據鞍老將憶廉

頗

主恩中外隆無敵箕尾星高照玉河

凌仲子之母王孺人八十壽

折腰羞五斗潔饌得三鱸孤子憐凌統諸生拜鄭虔板

輿槐兩地撰杖橋寒天士禮箋纔罷笙詩上管絃

仲子作禮

釋

齋前宛溪水窗外敬亭雲長物足清供高堂娛太君北  
樓花入夢西浙鶴呼羣白髮樽前話偏多卽事欣

題蔣蔣山巖灘濯足圖二首

同牀加漢帝子濯亦何爲三尺桐江水雙胼萬里思滄  
浪歌楚父小海唱吳兒獨立離塵垢無煩理釣絲  
我昨艤舟過灘高雪浪多頗懷風浴意趺坐石盤陀對  
此雲山幅聽君欵乃歌長鯨騎赤脚凌步出清波

祝鮑綠飲七十壽

芙蓉浦上結廬深

君家  
鳥鎮

兩板稀聞剝啄音祕本

天家儲鳳閣異書海外購鷄林

君進 呈孔安國孝經注皇侃論語疏皆購自

日本國者宗之愛萃江湖集明遠工為樂府吟報道西冷虹

貫斗襄陽船泊白隄陰

繞屋梅花絕點塵齋名不足

御題新饑同曼倩癰逾健篋富湘東老更貧萬卷圖書

圍燕座一湖煙月訪詩人

君嘗作夕陽詩三十首西湖百詠

平生飽喫

神仙字脈望千年是後身

岳祠銅爵歌為金雲莊賦

冬青麥飯一坏土絮酒無人酌秋雨鄂國巍巍尚廟宇

相臺齋孫作彝器精忠仍鐫涅背字一勺深涵萬古淚  
比部藏弄不敢私觀察作記無勦詞爵歸西湖僉曰宜  
我甫謁廟鳩衆材光堯御勅嵌莓苔時議請幣爲岳王  
脩廟并刻高宗勅  
書於石恰遇此爵光雲雷申王祭器頒宗府冰山瓦解杯  
化羽此爵不蝕篆文古精貫金石甘鼎鑊豈繫區區一  
銅爵子孫永保王愉樂

附錄秦小峴觀察岳氏銅爵記

吾友桐鄉金比部德輿藏有銅爵一蓋岳忠武王孫  
珂所製以祀王者也爵高五寸六分深二寸七分口

徑長四寸五分闊二寸三分腹容四合重五百十四  
銖中鐫精忠報國四字三足二柱左側有小印曰岳  
珂建造舊傳嘉泰四年珂鑄祭器奉祀忠武此其一  
與比部以爵爲岳氏物不敢私將訪王齋而歸諸王  
之廟或曰珂家嘉興之金陀坊坊故有王廟爵故珂  
物宜仍歸金陀坊余獨以爲不然王之廟最著者曰  
湯陰曰西湖湯陰者王舊里而西湖則南宋故都且  
王葬處也非金陀坊比王之精靈固無乎不之而西  
湖之有岳廟雖賤至勾夫竈婦無不過而生敬者高

宗之勅王父子之像其守墓子孫至今藏焉是爵也  
歸於西湖之廟當亦珂之志也比部聞而贖之遂歸  
之而余爲記其事時嘉慶二年某月某日也

書五代詩話後三十首

度曲知音李天下狂呼倚和敬新磨落花煙重渾如夢

汾晉流傳御製歌

後唐莊宗

樓頭六出散梅花圖繪天親紀歲華地割長江勞北顧  
屏風隔座憶靈槎

南唐中主

東風狼藉失仙姝心恨頻添掌裏珠破費工夫琢新句



全家衝雨上江艫

後主

三節還鄉玉笋飛  
吳儂歡喜錦張圍  
至今陌上春遊女

解唱花閒緩緩歸

吳越王

一場贏得蜀山河  
狎客搖頭踏臂歌  
薄媚柳腰工結束

甘州曲怨舊宮娥

前蜀後主

百花潭水漏沈沈  
宵旰能爲座右箴  
西送越兵江上月

摩訶池畔暗香侵

後蜀後主

多病傷春更惜春  
玉山高節老詞臣  
鷄鳴風雨思君子

鳳燭燒殘淚尚新

韓偓

江東生隱梅根浦衰病還容幕府樓後代此才應少繼

紅紗罩壁續新題

羅隱

典誥元和製孰攀泥金一闕付雙鬟雲山舊衲歌姬院  
風雨江南奉使還

韓熙載

一池春水皺微瀾何事干卿著意看燕雀不知梁棟折

君王更唱玉笙寒

馮延巳

紅萸同賦菊花樽神道碑鐫主義存被詔江南撰遺錄

三年去國已銷魂

徐鉉

貼月孤飛玉殿遙鳳凰翻翅夢仙謠湘南嶺北清遊徧

染黛山光入畫描

沈彬

靖安古寺暮雲橫臺榭猶畱處士名疎影暗香和靖句

誰知點化出江生

江爲

人家煙火攪清吟寶鴨香銷夜坐深不信詩高張處士

驚濤濺佛到江心

孫魴

擲得神琰及第高江南詩價重金螯垂陽渡口全家上

秋渚歸來與更豪

孟賓于

風碎鳥聲花影重晚唐詩格極纖濃八枝潛記登金榜

雨泣天階亂後逢

杜荀鶴

關西拓落楊風子得句華嚴院裏來筆跡多從談笑得

洛陽風景一灰堆

楊凝式

詩癩百卷寫縑緗波上蓮花掌上裴曲子相公收拾了

香奩一集嫁冬郎

和凝

麥積山前獨倚梯白雲高處手親題門生列坐懸詩板

絃管聲中月色低

王仁裕

依樣葫蘆一笑看風光雖好別離難澄心堂上玻璃盞

醉後清歌愧弱蘭

陶穀

會春園裏麝蘭香夜宴催成學士章尊俎一時誇絕調

闌干斜搭柳絲長

徐仲雅

表聖評詩別體裁牡丹屬思亦天才琴中綠水幽蘭曲  
黯黯悲從指上來

李山甫

秦婦吟成鬢已華中原多故感天涯杜陵茅屋三間在

閑臥江村咏白沙

韋莊

種藥西山處士家紅肌白髮長蘭芽本來詩思清如水

辜負青蓮玉藥花

陳陶

南嶽棲遲孰結鄰一官彭澤鬢華新晚衙吏散莎庭雨

解印歸來舊酒人

廖凝

晴巖翠滴草堂幽爲伴高人一鶴留  
搗藥屋穿魚艇壓  
題詩空寄嶽雲秋

廖融

落花微雨送春殘吟到秋風客思闌  
百首冥搜窮造化

孤舟老憶洞庭寒

翁宏

乾坤清氣入詩脾準擬黃金鑄子期  
羅漢夢中呈變相等閑供養佛先知

貫休

敲破冰天語更奇無生悟徹吐琉璃  
白蓮集出雲臺上膜拜還尊一字師

齊己

蘚壁題詩不計年西風吹落嶺頭蓮  
真人無夢兼無睡

別有雲封洞裏天

陳搏

書周松靄遼詩話後二十四首

眞冷朝定泣同仇割取燕雲十六州識得仲先詩句妙

草堂遺稿始搜求

太祖

黃鑿飲血獵初回乳酒頻傾琥珀杯城外花園遺堞在  
關支歌舞納涼來

鶯篋琵琶唱鷓鴣涿州沙上月模糊擊毬朗誦斬春集

素扇題詩出六符

聖宗

亦知諷諫重香山大字還聞譯二丹舞罷銀貂賜金帶

樂歌親製和應難

校獵黃花賦射熊元和試士襲華風鹿圖千角酬飛白

傳示中朝徧六宮

興宗

御膳毘貍是席珍夜筵拜洗北來人尚書辨鳩通遼語  
聖壽如嵩頌使臣

鑿巫閭上放鷹歸八表同風御藻揮碎翦金英吹不去

菊花填句雨初飛

道宗

伊遜懷讒貝錦多破遼有鬼渡遼河桑乾遺壘雲中亂

世業其如祖詠何

天祚帝



萬幙千廬月似波  
頭魚宴罷更頭驚  
羅衣輕學黃幡綽  
齊唱蓬蓬扣鼓歌

四時捺鉢振天威  
磴虎秋山漫賦詩  
五個翁翁都瞌睡  
林牙憂國淚空垂

洗妝樓傍舊蓮池  
金縷香殘譜十眉  
諫獵一書陳永巷  
霜飛白練結相思

瑟瑟傷時憫直臣  
燕雲夕枕暗紅塵  
白頭宮監談遺事  
芳草萋萋廢苑春

建國東平恨徙居  
數峯拳石壓穹廬  
大山無力乘桴去

望海堂中萬卷書

東丹王

水濱脩禊興超超援筆詩成壓衆僚遷客得霑天雨露

妄傳閩事紀焚椒

王鼎

紫濛館畔瑣窗青應對皇華誦茯苓解道二蘇文字好

龍荒刻石驗圖經

王師儒

獵取西樓竝轡馳故宮禾黍不生悲釀成邊釁傾宗社

枉咎降人郭藥師

趙良嗣

拋離火宅得元丹泰華終南鍊玉顏世外神仙方外友

還金高詠在人閒

劉元英

忘言居士謝登科移刺名流唱和多不屑蘭臺鈔舊史

陳編坐撫惜蹉跎

耶律履

降虎太師勇無敵封侯不羨飛將軍祇今漆水秋風吼

張呂鴻篇憶舊聞

張儉

呂德懋

懷歸未得脫幽燕遙望鶴原汴水邊舊館玉堂珍玩在

故應小集號丁年

李澣

書嚴國禁少流傳手鑑家藏似玉編梵覺丹經相繼出

分頒夏國與于闐

行均

如來變相玉觀音文館公卿荅梵吟書象苾芻孟哥刻

灤河文物發幽沈

僧志仁

盧龍塞北鐵漿館一片寒蕪萬壑青海蓋午消衙市集

馬蹄踏磧入松林

劉敞有鐵漿館檀州二詩奉使契丹時作可補遼詩話之未備

遺山絕句阮亭繼千古風騷得尚論正爲遼人畱缺陷

把君詩話勝瓊璠

後樂園草

南康謝啟昆蘇潭

後樂園

山舟筆冠代為我書園記記成未有詩不盡園中意此

園湖厥初居署之西位卅年委藜莽莫碑牆角棄舊有明右

布政使莫如忠詩禍我效愚公愚聊以寄所寄兌金移于巽名同

實則異倉皇無百金瓊瓏覆一簣小樓收多景倒吸湖

山翠人云我亦云我取彼所寘浙賦甲天下東南都會

萃兩越控兩甌萬里鬱海氣元行中書省屏藩明所置

我朝職尤重綱紀百司備佐治大中丞承宣觀察使漕  
船若魚貫石塘比鱗次文書衡石程過客廚傳費袷蠹  
乃飲和除弊始興利往者職不修後堂擁歌吹湖舫爛  
燈火言歸神已醉先笑而後咷胥失此園義王道有張  
弛偃息誰能遂政事既有堂嘯歌豈無地一椽謝藻繪  
十畝闢荒蔚我園何所有萬卷堆篋笥退食多佳日晝  
省凝清闕紫花覆八甌十架薔薇墜積水發銅缸中有  
弔古淚簾幙涼如水幽砌秋草媚虛窗一炷香夜無獻  
金吏塵案掃落葉文士亦時至園中草木詩蘇韻和猶

未昨夜雪飛花馴鹿清無睡

園中有鹿

寒梅吹古香息息通

于鼻我家蘇潭上風景頗相類獨樂吾何敢恐負

聖恩昇秀才矢夙心顧名內滋媿

貞壽圖歌為金節婦作

方楞菴圖柏石為節婦六十壽梁山舟題為貞

壽圖

死易就貞難久王氏女金家婦婦喪夫有姑舅長子天

舅無後婦顏如霜潔婦年纔十七殉夫不愛身姑舅侍

無人筵室為舅置舉女七男四姑亡率庶姑教養冢婦

事以嫂兼母職婚嫁經營備始有子子生孫孫元鑑嗣

際堊清風吹我襟明月照我心夫冢石磊磊石上柏森  
森舊時一片月照君千尺石舊日羅幃風吹君萬古柏  
金生曰以報繪圖報邱嫂光山節孝甘夫人有叔司寇  
請旌表金生登朝拜 國恩此圖定作傳家寶秦觀察  
小阮學使臺芸作記鐫之鳴鳳里石不磨柏不死桐鄉之  
桐安足比

水星閣

浮雲西北鬱觚稜拔地高寒逼玉繩天上九重星第二  
江城四面閣三層緜緜島嶼日邊影點點沙河風外燈



樂患不妨參術數豐碑深刻吉中丞

紫玉屏歌

署東舊有假山上鐫紫玉屏三字旁有清芬主人印

碧草如茵柳絲吐花霧濛濛欲成雨一堆蒼雪倚醉眠  
曾見主人狎歌舞主人較射東軒開從官如水車如雷  
八百里駿一笑賭牛心快啖傾樽髯文書堆案邱山積  
好奇頗有元章癖九華疊起中峯尖別號親題字深刻  
綠珠十斛夜深來銅山金穴高崔巍此石輦致何足數  
氈包席裏千夫推花奴擊鼓女奴彈簾衣不動妓圍環  
嗟爾石屏閒無用蛾眉露下秋苔斑雲散風流石應語

爾名汚我我憐汝十二樓中燕子飛摧殘八尺珊瑚樹  
收拾闌干護一拳民具瞻爾山同堅堪歎白楊已作柱  
猶畱紫玉未成煙

書五簋約後呈玉達齋先生

中丞總庶政清節百僚壓餘事及鼎烹豐儉示成法座  
右真率銘溫公高義洽畫堂約五肴古愚

譚侍郎尚忠

盟先

畝中丞臭味同淡泊性所狎仕宦恣口腹流毒到鵝鴨  
銀絲探海燕蠟山竝馬甲非惟損儉德亦恐傷慧業真  
意苟不存禮繁力已怯鼯鼠飲于河果腹供一呷易占

享用二倍之豈褊狹潔治陶盤精酬酢主賓夾萬羊公  
有分千錢我豈乏饜饜聖所戒勒文申先甲藜藿撐枯

腸餽飢容恰恰回憶消寒飲鳳城聽鶉鳩

徐魯南名用錫號畫堂宿

遷人康熙己丑進士  
圭美堂集有五肴約

鄭文學書常應孝廉方正之徵出所藏朱竹垞

太史贈其高祖寒邨太守詩冊索題卽用原韻

二首

寒邨直節比朱絲朱十重逢話舊時二老同堂心可印

芸臺學使屬書常別建  
二光堂以奉二先生

一窩雙硯力能持清芬鸚浦傳

于子剩墨高涼訪我師

覃溪師視學粵東曾訪太守遺蹟于高州未獲見于詩

過

眼風燈燒劫後唱酬尚寶篋中詩

梅花舫外雨如絲挾策蓬巒佇立時當代才人誰領袖

兩朝陰德要維持曉星清雪行人畫舊稿長蘆句法師

曝書亭集載此

詩乃改本也

我有齋摹竹垞老

署有廣經義考齋

與君考義

且言詩

王沛堂載石投竿圖二首為孫太守存齋題

存齋

有米顛癡守寧國時得奇石

載歸置園中遂有終焉之志

敬亭相看意未了雲根歸壑扁舟小似曾識面廿年前

石若能言笑人老名園奪得西湖碧三十六峰無顏色  
怪他抵死不出山坐則臨流眠抱石

鶴骨稜稜比石瘦影入清池齒可漱貪看雲起竟忘筌

石上雙髻痕應透知微畫石兼畫水王濛潑墨亦如此

倩君添畫北樓梅暗香吹夢一千里

宣州有老梅書屋

上虞至正銅漏歌

篆書受水壺三大字于上方其文曰江浙行樞密院分治

上虞新城至正乙巳夏五月戊午乃鑄刻漏謹  
晨昏之節以時號令器雖微而政之所關則大  
矣宜有銘以志作之所始銘曰立表下漏軍府  
之經昭示大信無爽晦明天運有恆水流不息  
盈虛升降茲器維則人衆耳目視時典居小大  
奉令以無或渝匪器弗渝維出于公施政若斯

孰敢不從江浙儒學副提舉楊夔撰竝書慶元  
 路儒學錄臧居敬製徐仲裕刻上虞縣尹王芳  
 都事朱元章斷事官王若毅龍霖陳子恭經歷  
 鄭珩毛永伯帖穆爾同僉樞密院事張子元樞  
 密院副使張啟原方永知樞密院事方國珙俱  
 篆文按至正乙巳元順帝至正二十五年也越  
 三年國亡元史百官志至正十六年置江浙行  
 樞密院于杭州知院二員此銘一員同知一員  
 此銘無副樞二員此銘同僉院二員此銘無同  
 僉二員此銘一員院判一員此銘無首領官經  
 歷知事各一員此銘經歷三員無知事斷事官  
 二員此銘三員銘有都事一員史無又銘稱分  
 治上虞新城此副樞分治所謂分院也史志略  
 而不載凡官銜銘與志不合者皆足以補史之  
 缺至正兵興四郊多壘中書樞密俱有分省分  
 院而行中書行樞密又分省分院所以鎮遏亂  
 民也銘內人  
 史俱無傳

菩薩線落中原爭一月一星夾日行象緯示變民怨起  
太史不得操權衡天命已歸皇覺夢溫台睦婺兵縱橫  
紹興尚行樞密院夜半刁斗聞江城誰司卯酉數更漏  
同官范器題姓名員職不與史志一或多或少或全失  
四郊多壘官制紛浙東分治事倉猝銘云鑄此節晨昏  
乙巳五月戊午日大小奉令政無渝懸壺序櫜軍符密  
儒官雍容且文藻居敬監製楊羹筆已亡蓋箭但有籥  
鐵線文工字無缺其高二尺圍半之其法用銅通于律  
至元初平南宋時象數新頒郭若思南北日官驗推測

更作候極渾天儀玉陛指陳忘日昃水晶盤照天同規  
嗚呼開基纔百年神器不守鍾簏遷慶元路守刻漏在  
四百載過如雲煙推步立成法可考郭守敬推步七機  
卷立成二卷  
陲制作今猶傳曹江蘭亭楷隸好又見篆法冰斯鐫秋  
雨摩挲綠苔漬採入兩浙金石編

鑄錢行

東洋大賈運銅來滇銅相和十鑪開如月印川錢有胎  
粗沙磨治鏡新指錢官休暇相勞苦臘月雪花六月暑  
此兩月農得官錢易粟帛無勞姪女河閒數  
停鑄



山出銅祀太公民盜鑄錢神怒權其子毋得其平法在  
銅重而鉛輕小錢不禁自不行市肆無擾民無爭君不  
見錢塘有浦號錢清

愛竹堂圖二首爲王青塾題

千畝綠如海先生欹枕吟歛門無俗士曲徑轉清陰照  
影墨山月空堂白玉琴章江老屋在眷眷主人心

晉水秋風動錢塘暮雨寒萬竿懷舊隱千里報平安紀

事惜青簡思君傳素紉山中應有夢計日長琅玕

青塾居墨

山之側

謁秦少游祠二首

杖策呼龍伴夜吟揮毫對客聽潮音封侯那敵識蘇面  
說偈同來印佛心淮海無雙推國士衣冠中歲宴瓊林  
倚筇久作歸歎想篁嶺風泉託意深

被謫杭州又處州觚稜十載夢仙遊熙豐紹復憐諸老  
黨籍遷移到遠陬烏鵲關千人去後古藤花影月明秋  
雨深溪路黃鸝語彷彿先生在上頭

題張荔亭谿山選勝圖四首卽以贈別

斗南鬱奇氣萬壑會龍眠蓬閣貽先世雲孫手一編

今歌嘯地仍記釣遊年策蹇歸來好煙霞結夙緣

一顧惜娉婷扁舟玉笛清蹇修空悵望公子意分明倚

馬詩千首呼盧酒十觥荷心兼柳絮棖觸廿年情

吾師琢長句

覃溪師題七古于卷端

後進感通家

覃溪師出荔亭尊人中峻先生

之門白髮傳心事青氈老歲華夾堤雲外樹別塢鏡中花

勝約他年踐停橈問水涯

我有蘇潭宅西山納遠青相思看畫本何日上秋屏遠

道皖公口離觴逋客亭賜金懷舊隱世世守遺經

竝頭蓮二首

去年采采涉秋江路隔烏橋佩玉縱悄悄無人風捲幔  
亭亭對影月當窗淒涼舊事同心璣寂寞深衾照夜釭  
碧落黃泉求上下何期戶外忽成雙

菱花臺畔記酬詩縱抱閑情語共誰我已無腸空欲斷  
君還有淚灑相思一湖春水葬西子半榻茶煙感牧之  
分付銀塘休結蘂鴛鴦失隊雨絲絲

七夕詞二首

如殺雲車渡靈匹一年一會情何密盤古分天直到今  
豈止三萬六千日兒女惆悵掩雲屏筵上花瓜兆不靈

去年此夕汾水上攜手同看織女星

蓬巒軒照蛾眉好翻與愁人添懊惱樓真別館海山懸  
一夕西風吹鬢老百獅橋化烏鵲橋我欲駕之路迢迢  
離鸞孤鶴無消息淚灑銀河濕絳霄

濬湖謠

荇葉青青菱葉長葑草成田秋草荒洲嶼鄆坼龜背昂  
湖心咫尺安可航日暮天寒西子瘦欲疏其病先去癩  
銷金之鍋不容缶荷雷如雲呼左右

漁戶三百輸官租日給爾值寬爾逋篋泥築岸手足瘡

汗萊既治歌烏烏魚不徙宅水歸壑明年魚多漁戶樂  
桑麻六井湖邊田梅柳千株湖上閣

丁巳十月十二日同張穆菴都轉恩遠亭秦小

峴二監司陪阮芸臺學使成翰札都統龍井看

### 紅葉晚飯花神廟

微霜變綠上巖柯瑟瑟龍池尚有波淮海墨雲寒不散

稚川丹鼎染無多學書石榻僧初定讀畫溪亭

山有過溪亭

客屢過座裏茶煙清話久相看未飲已顏酡

龍井有秦少游記小

峴新建祠相傳葛洪鍊丹于此是  
日各攜宋元人畫卷共品題之

社日湖山賽水仙薄寒宜醉小春天幽懷已託秋桑作  
芸臺近有秋桑唱和篇好景仍畱白雁邊紀事亭名豐樂後論文

人萃瀚休前將軍興發鞭絲指競病吟成似凱旋

吳蘭雪至自江西款畱浹旬將由吳門赴邗上  
賦別四章兼柬陳方伯東浦曾都轉賓谷

鴻雁無消息三秋似隔生忽逢吳季重再過武林城新  
詩更沈鬱老眼看縱橫善學靈均賦何須採杜蘅  
家破愁仍積官逋

詔特蠲山陽思舊澤老屋話新田風雪江頭路梅花臘

後天高歌吹鐵笛樂府待君編

負米蘇山下思親淚未乾曼卿悲土淺方叔念衣單感

我同岑誼憐君行路難慎旃歌陟屺對酒不成歡蘭雪將為

其先人卜葬

論文得會輩愛士有陳蕃詩派推諸老吳生共一門與君

余同受業於暨溪師竹西歌吹夜茂苑雪香村休滯江南久遲君

後樂園

宴琉球貢使于中丞使院禮畢來謁藩署索予

詩稿歌以紀事



受書太學察官子歸插金簪作長史胡蘆園扇苑門開  
解誦國風進文士

上國共球集萬方中山尤謹遵

王章正儀大夫從王舅正副二使來東洋霜凝畫戟宴  
開府黃冠束帶聽簫鼓兩行介冑雪爭明一院梅花香  
正吐退舍更造紫薇垣論詩不作參軍語我聞黑水萬  
里浪接天三十六島浮如煙我詩慎勿藏笥匣回帆恐  
墮蛟龍涎又聞女君螺佩舞翩跹錦衣公子調冰絃我  
詩慎勿播歡會

門名

米奇

酒名

醉倒傾歌筵鷄林無價慚香

山弓衣那復繡都官要使中和樂職頌傳之三山徧百  
蠻遠人應識宣藩使曾侍

玉皇仙吏班

題西湖餞別圖送秦小峴入都

圖爲方樗菴作

奚生墨妙惜如金爲余沈筆西湖陰

奚鐵生前歲爲方余作西湖別意

生畫品喻禪否寫君別意深復深勝地同官豈偶得出  
則聯舫入聯席重聽鐘語塔東西會合雲光嶺南北君  
才如海十倍我讞獄賦詩無不可吏人抱牘放朝衙文  
士孳箋圍燕坐鹽官塘外雪山來千夫手挽怒潮迴弱

不勝衣氣如虎指麾談笑生風雷安瀾續書上上考清  
名傳徧長安道典衣招客不會休夢蝶家風貌黃槁山谷  
詩夢蝶真人貌湖波吹綠醉醞醞湖上題襟應共余三  
黃槁謂少遊也竺前因證圓澤六橋倒影瀉冰壺人生聚散風電瞥白  
公詩板蘇公榻同人定入春明夢千里梅花一江雪

湖上早行

朝霧浩如海西湖不見影翻作西湖波驚看雪萬頃日  
出旋知空小雨濕陂嶺寒光垂淡沱湖山夢未醒時望  
殷雪甚

十一月十五日得雪志喜

陽生十日餘春痕已暗透氣蒸裘不御霧濕雲仍逗禱  
祀每夙興醞釀煩測候驚山發靈怪玉龍甲親授夜長  
戰無聲沈沈失壺漏褰帷積鴛瓦眼花眩清晝橫斜向  
空飛勢與石稜鬪孤山梅未放萬頃皓連岫翠篁風折  
腰幽泉響咽竇畦潤菜滋甲井溫齒可漱犬見慣不吠  
農歡或狂走頓益麥嶺肥不覺西湖瘦調御福下國有  
求必默佑鬱攸朝不戒滕六急相救是日民間火起賴雪得滅要識  
天心慈非關佛法咒

王師下秦蜀釜魂剩殘寇鐵衣蔣士擐氷山馬蹄蹂軍  
聲亂鵝鴨窮穴殲猿狖計日凱歌旋飛花照烽堠  
天顏喜可知瑞雪章初奏

冬夜偶書

雲同天易暮燈暗雪明廬益益春將逗蕭蕭歲欲除濁  
醪借婦飲好句命兒書晚節窮詩律蘇門叩復初

時與奎兒

讀覃溪師  
復初齋集

齒添頭半白字細眼猶明千古飛騰意殘年顧盼情漏  
天兵未戢巨海浪初平嘯咏非吾事彎弧射碧鯨

宋雲亭竹梧清嘯圖

世家第宅尚喬木公子交遊多老蒼四十年前一回首  
鬢影蕭蕭鸞鳳長蘭臺作賦人如玉逸嘯風生動巖谷  
散髮歸來展舊軸清于梧幹瘦于竹

山東轉漕如梭織我初識君濟泉側

時雲亭督理山東糧儲

六月

河堤高柳風車困馬煩休不得今年買棹西湖迴醉訪

孤山處士梅自掃鵝溪十幅絹紅塵不上蒼顏來

雲亭善畫

蘭竹

於潛木

仙子笑餐雁宕松道人飽服天台朮潛嶽獅形更靈奇  
平地蘄生氣充實雨洗山泉溯草香風淪石爐初煮湯  
官齋要勝肉食氣手割雲頭邀客嘗

天目笋

浮玉峰高翠欲滴上有琅玕削寒碧驚雷夜坼錦綳兒  
裹藏不忍置魚炙昔甘藜莧苦不飽噴飯山中祝偕老  
寒蘂今日佐何人淚灑春林色枯槁

龍井茶

老龍煦沫吐香穎不製龍團學月影雨前潑乳綠于雲

記賜頭綱出華省都籃採摘春婦忙三月茶先五月桑  
揀芽焙火村中老不識湖邊買酒航

紹興酒

杭州二月梨花春秀州臘月蓮花白釀法難與越州敵  
如逢俗士避高客蓬萊色奪鑑湖波寶馬香塵迎酒歌  
今年酒旺玉顏酡耗費稽山萬斛禾

除夕書懷

田家餅大慰予心三白連朝抵萬金爆竹春聲民氣樂  
屠蘇醞宴



主恩深梅花定改新年色椒頰如聞往日吟數遍蓮壺  
添鬢雪拋殘錦瑟不成音

戊午新正四日邀陸璞堂張穆菴恩遠亭小飲  
湖上二首

春泥滑滑勸提壺潑墨溪山似畫圖我輩簿書稀暇日  
誰能冒雨到西湖

五肴款客未嫌疎帶濕春畦剪早蔬竹外一枝花待放  
龍池消息問何如

約龍井  
探梅

是日湖舫阻風因陸行詣瑪瑙寺看梅花得詩

二首柬呈諸公

雙坡霧隱翠溟濛  
棹轉湖心有路通  
寒氣尚封連積雪  
疎枝才放又驚風  
好春遲我孤山曲  
舊事懷人葛嶺東  
倚徧欄干莫吹笛  
二分畱待醉顏紅

雲巢月窟記前因  
玉樹歌翻不動塵  
絕澗樓臺開特地

閑泉在瑪瑙坡花木自長春  
苔莓屐印畱前代  
斧鑿痕痕笑

俗人剩有老梅枝  
未改寒香臭味最相親

十四日龍井探梅二首

湖畔油油綠一灣  
印牀扁鑰且休閒  
人來殘雪沖泉名泉

外春在疎篁白石閒龍氣嘘成花上露鳥飛點破畫中  
山試燈風好蘭橈送拚折繁枝載月還

愛梅更說梅花理鬢裊茶煙兩不分到處屏風憑點綴  
一春香夢自氤氳濛濛村影微微霧淡淡湖光薄薄雲  
鼻觀試參人散後辨才偈子欲何云

哀散仙二首

縱汝林泉鬱異才蓬池曾與散仙來千年靈怪蒼山穴  
曠代風流玉鏡臺舌有青蓮供咳吐行無金柅絕塵埃  
未妨作樂傷名教稽阮清狂實可哀

少日江花夢裏呈晚嗟才盡損聲名勾留花鳥稱前輩  
輕薄文章悞後生青眼慣憐桃葉渡白頭猶唱柳枝行  
六朝金粉今銷歇玉笛淒涼白下城

元夕後一日同人夜宴亦云園觀煙火二首

燈毬仍似昨宵圓更展清遊不夜天一苑樓臺花柳外  
滿城簫管水雲邊宜風共勵同官好濟美難逢大吏賢  
萬里如磨空海鏡均霑酬宴屢豐年

天爲開筵特放晴公能好客月常盈星河倒瀉空無影  
雷電翻飛地有聲南國鶯花先使院

魚龍百戲

菴倍記

正月廿一日感懷

星周容易怨流光羅拜諸兒奠酒漿幻化身如蝴蝶

勾留魂在水雲鄉

厝室在勾留處

青春梅萼恆經雨舊日羅

尚有香晚歲那堪頻作惡斷橋一度一迴腸

題郭祥伯靈芬館詩草四首

郭生殊落拓訪我聖湖春骨瘦非緣病詩工不厭貧

灑王摩詰清狂賀季真素衣嗟未釋培翮佇雲津

以居憂不

得與  
秋試

授館嚴司馬清談座上逢秋江吹蘆莢竝蒹葭詠芙蓉往歲

識祥伯于嚴歷亭司馬署中和余竝頭蓮之作淮浦三年別西冷一棹從水村

懷舊隱七十二靈峰祥伯居洞庭側繪水村第二圖

吾鄉有蘭雪與子各清才郊島聲名竝江湖困頓來稻

糧謀未遂雨雪路頻催薦士吾滋愧論詩酒一杯

淮海才無敵東坡世少雙都因科舉屈能使壯心降枕

菲憑經史風華薄芷苳吾儒思致用寂寞理寒窗

題宋左彝茗香詩選

跌宕江湖醒亦狂縱橫文史謝名場滿園紅杏尚書句

一瓣青蓮供奉香酒變錢塘嫌戶小花看吳苑覺春忙

傳家著述等閑事爾雅新編付陸郎

左彝新校陸農師爾雅新義令嗣咸

熙注夏小正按農師子宰元鈞篤學藏書一萬三千卷紹典初進內府

家住武林七十里一年強半泊蘇堤桃花明月天台路

絲琴春風鄧尉溪小海歌憐子胥怨無絃琴寫夜烏啼

茗香讀罷詩脾沁拚吸玻瓈醉似泥

左彝補樂府小海曲又論詩絕句云

青山高高綠水深月明來照無絃琴

### 題陳仲魚歲寒耽讀圖

鬻也超等倫齒貝目如電讀書十萬言前身乃曼倩三  
冬既足用蔚爲國之彥

天子下明詔孝廉膺首選生方高據梧箬帽

山名

娛清宴

被褐寒不知雪花落萬片清風吹謾謾窗外碧虬戰款  
門鶴書來堅坐守枯硯

三蒼業久墮六藝寒如灰生能篤漢學叔重文兼該四

時讀書樂獨于冬日諧半子驗天心後彫眞奇材助我

補經義說詩匡鼎來同舍六七客歲晚岑與苔

謂維新諸公

寸陰我亦惜八瓠書舫開還期汝腹上夜夢雙松栽



題陳默齋望雲圖

親在白雲下思難一日捨親去白雲畱眼穿萬古愁雲  
是忠孝氣上鬱斗牛瀾空際望結遊子心淚痕迸入江  
海深聞海垂翼不可攀鳩江觸石何時還同根同氣縹  
緲閒梯天無術路漫漫望羊竚立增憂煩樹遠更遮萬  
重山方生工寫照目所未到筆已到陳子自作歌從此  
吟詩廢蓼莪落日西陵秋水波思親報國將如何

北園圖四首爲陳默齋題

北園在會稽下方山  
康熙時左僉都御史

陳允恭別業也華秋岳爲圖金繪占  
題詩其上今佚梁山舟爲補書之

巖壑趨南鎮，煙嵐會此園。憑軒懷手澤，捧硯泣雲孫。裙屐東山癖，壺觴內史尊。賞心尋舊跡，花月照清門。

江聲傳十詠，墨蹟補梁公。散帙傷蟬蠹，喬林自雨風。挂雲思拄杖，聽瀑想垂虹。釣某山水，相逢南麓翁。

新羅工繪事，蘇室溯先型。

覃溪師長歌序家世甚詳

書屋蓮花渚，雲

山白玉屏，拈禪憶前輩。聽雨話頭廳。

謂雨齋前輩

百歲瞻喬

木披圖眼更青

世家多嗜古，騎尉亦能文。振策窮蒼巘，思親望白雲。林泉東渡接鐘磬，上方聞北郭。容過訪登堂，誦宿芬。

蘭雪自揚來浙將歸里詩以送之

四十日春邦上醉錢塘息壤豈相違青梅煮酒清明過  
紫燕窺簾遠客歸飲綠西湖船待放吹紅小院雨初飛

東風翦出離亭柳寒色剛回愛日暉

君有離亭  
寒色圖

千里饑驅去復旋越中名士競馳箋雙鬟舊曲旗亭句  
一棧春陰丙舍田季子艱難竟誰恤蘇齋著作待君傳

香風夾岸歌聲緩約棹舫船聽采蓮

約五月  
重來

上巳日湖上修禊四首

人生修禊事能得幾西湖偶爾借羣彥頽然一老夫雜

英霑繫艇小鳥勸提壺遮眼堆文案飛騰不可無

春衣艷綺羅痛飲捲湖波樂事書嘉慶昇平邁永和臨

流紛接席懷古恰當歌快值新晴候蘭亭寫一過

家園圖襖被弟姪各飄零風雨花先隕池塘草自青中

年太傳感往事豫章亭此會悲歡集深談醉復醒

半于蘭渚客佐以聖湖雲稚子能將命諸公善屬文天

涯來舊雨謂蘭兌澤富多聞新作兌麗軒雅集圖喚起林和靖春

風戀鶴羣

題蘭雪香蘇山館詩集卽送南歸

唐代仰昌黎及門得滉籍宋世推東坡秦晁樹勅敵吾  
師翁北平天下稱詩伯校士古豫章遺珠洗沙磧晚觀  
蘭雪生談詩膝前席三千桃李士曷嘗見此客下筆驅  
風霆雨花激硯墨我時居蘇潭握手數莫逆呼爲忘年  
友論難透肝膈因憶卅年前蘇齋畫玉尺鈍夫楊宗同  
登第詩窮老山澤魚山馮敏萃粵秀鴻雁無消息惟子  
與我親蓬萊翁師奉杖鳥江水通吳會岱雲合冀北我  
衰牽吏事君獨振高格燕市碎瑤琴赤幟奪趙壁傾蓋  
迎公卿繡絲盛裙屐白下朝擘牋黃樓夜吹笛細雨弔

南朝斜陽訪蕭宅壺觴廿四橋花月霓裳拍鄧尉晴雪  
霏鏡湖柳花白過訪手一編香蘇嵐翠滴人誇子才艷  
我意殊不憚芙蓉本天性出水去雕飾誰知遠污泥一  
生自淨植出世九仙骨降魔三寶力經術宜貫通風騷  
有正則言出必自己紙上皆陳跡吾師持此論子也守  
不惑生氣鬱蓬蓬遙情寄脈脈特挽西江流不受西崑  
役抗手揖韓蘇蓬源追甫白甘下梅花拜寒香沁詩魄  
子如日初升竿頭進方亟讀書要致用芸苗戒無益我  
有蘇潭集瑕瑜子能擇我今評子詩真賞乃心獲窗燈

嘗成卷敬識其後北平翁方綱

方伯謝公莅浙之年政成事舉乃葺解東書舍爲游息之所而以解西之廢園曰後樂者名之園成紀以詩且編其所製詩一卷曰後樂園草文溥旣謁公進而觀乎園之勝爰示斯編命以作序昔范文正公以天下之憂樂爲憂樂出處不逾其志而時方出師戡亂經略西陲終其身不能一日樂也若公者世際昌期歷職中外清名亮績天下莫不聞此遭遇之樂於茲爲最矣況乎扶輪大手宣布中和恂然與道義相切劇藹然與運會相推激此又文章之樂不朽之盛事也然且仍其園之舊



而不易其名其於古大臣憂時悱惻不敢獨樂其樂若有曠世而相感者何歟公詩云政治既有堂獻歌豈無地政治者公所以憂民之憂而先焉者也獻歌者公所以樂民之樂而後焉者也此可以見公之志序公之詩矣嘉慶三年春正月構李後學吳文溥